



Broj: 01-05-16-978-2/08
Sarajevo, 21.04.2008. godine

Na osnovu člana 12. stav (5) Zakona o finansiranju institucija Bosne i Hercegovine („Službeni glasnik BiH“ broj 61/04), Ministarstvo finansija i trezora Bosne i Hercegovine donosi slijedeće:

I N S T R U K C I J E
o načinu praćenja Programa posebnih namjena institucija Bosne i Hercegovine
u 2008. godini

1. Ovim Instrukcijama Ministarstvo finansija i trezora BiH propisuje način praćenja Programa posebnih namjena u skladu sa Zakonom o budžetu institucija Bosne i Hercegovine i međunarodnih obaveza za 2008. godinu („Službeni glasnik BiH“, broj 17/08) i tačkom 1. Zaključka Parlamentarne skupštine BiH Predstavničkog doma broj 01-50-1-15-22/07, i predstavlja dopunu Instrukcije o načinu izrade operativnog plana za izvršavanje Budžeta institucija BiH broj 01-05-16-978/08.
2. Rashode i izdatke Programa posebnih namjena iz budžetskih sredstava, budžetski korisnici su obavezni iskazati posebno u Tabeli 4. operativnog plana u skladu sa Instrukcijom o načinu izrade operativnog plana za izvršavanje Budžeta institucija BiH broj 01-05-16-978/08 i pratiti njihovo izvršenje po sintetičkim kontima, odnosno ekonomskim kategorijama na četiri cifre u okviru posebne organizacione jedinice u ISFU sistemu, u skladu sa članom 16. stav (2) Zakona o budžetu institucija BiH i međunarodnih obaveza za 2008. godinu.
3. Izuzetno od stava 2. Programi posebnih namjena finansiranih iz namjenskih prihoda od donacija i/ili grantova od drugih nivoa vlasti, odnosno udruženih sredstva, čija je realizacija uslovljena ostvarenim opsegom namjenskih prihoda, daju se na raspolaganje po prilivu sredstva na JRT u ukupnom iznosu na projektnom kodu u ISFU sistemu, u skladu sa članom 16. stav (5) Zakona o budžetu institucija BiH i međunarodnih obaveza za 2008. godinu, a njihovo izvršenje rashoda i izdataka se dodaje izvršenim budžetskim sredstvima.
4. Budžetski korisnici su obavezni kontrolirati izvršenje rashoda i izdataka po posebnim programima finansiranim iz budžetskih sredstava, a u okviru odgovarajućih organizacionih jedinica.

5. Ministarstvo finansija i trezora će na zahtjev budžetskih korisnika otvarati organizacione jedinice radi posebnog praćenja izvršavanja Programa posebnih namjena finansiranih iz budžetskih sredstava, odobrenih u skladu sa članom 3. Instrukcije o načinu izrade operativnog plana za izvršavanje Budžeta institucija BiH broj 01-05-16-978/08.
6. Ministarstvo finansija i trezora će također, na zahtjev budžetskih korisnika, otvarati projektne kodove za primljene donacije i grantove, odnosno udružena sredstva radi praćenja ukupnog izvršenja Programa posebnih namjena finansiranih iz donacija i grantova.
7. Evidentiranje rashoda i izdataka po ***Programima posebnih namjena finansiranih iz budžetskih sredstava*** se vrši u ISFU sistemu ***na analitičkim ekonomskim kontima uz obaveznu naznaku odgovarajuće organizacione jedinice i projektnog koda „0000000“,*** a evidentiranje rashoda i izdataka ***Programa posebnih namjena finansiranih iz donacija i grantova od drugih nivoa vlasti*** se vrši u ISFU sistemu ***na analitičkim ekonomskim kontima uz obaveznu naznaku odgovarajućeg projektnog koda.***
8. Budžetski korisnici obavezni su izvršiti korekciju evidencije, u skladu sa tačkom 7. ovih Instrukcija, u Glavnoj knjizi JRT za period od 01.01. do 31.03.2008. godine.
9. Tačke 18., 19. (dio koji se odnosi na subanalitičku šifru) i 20. Instrukcije o načinu izrade operativnog plana za izvršavanje Budžeta institucija BiH broj 01-05-16-978/08 neće se primjenjivati u fiskalnoj 2008. godini.
10. Ove Instrukcije će se dostaviti svim institucijama Bosne i Hercegovine – budžetskim korisnicima te iste objaviti na web stranici Ministarstva finansija i trezora. Instrukcije stupaju na snagu danom donošenja, a primjenjivat će se od 01.01.2008. godine.



MINISTAR

Dragan Vrankić